



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Hermannii Conringii De Pace Civili Inter Imperii Ordines
Religione Dissidentes Perpetuo Conservanda Libri Duo**

Conring, Hermann

Francofurti ; Lipsiae ; Wittebergae, 1680

§. II. Summi pontifices.

urn:nbn:de:hbz:466:1-9585

rarent, se desiderare ut filius Hunericus ei in Regno succedat, & ad regiones transmarinas epistolas non directuros: sed præter aliquot simpliciores, qui verebantur, ne populus Dei in posterum diceret, quod vitio Sacerdotum non fuerint Ecclesiæ restitutæ, reliqui sanctitate, doctrina & martyrio deinde illustres, teste Victore Uticensi lib. 3 de persecut. Wandalorum, sentientes dolum fraudis, jurare noluerunt: etsi eo juramento Religionem, Ecclesias, exilium, mortem, famamque Episcoporum redimi non solum potuisse, verum etiam debuisse, hæterni hodiernique Theologi & Politici judicabunt.

De aliis PP. & DD. qui ante Pacem Religionis scripserunt, id universim dixisse sufficiat: nullius Orthodoxi Scriptoris Theologi suffragium pro tali Pace posse produci. Cujus præcipuos articulos decem fere annis, antequam PAX Religionis conderetur, confutavit libris sex adversus hæreticos Conradus Brunus, Ottonis Cardinalis Truchsesii & Episcopi Augustani Cancellarius.

§. II.

Summi Pontifices.

S. Joannes Papa I. & Martyr, An. Chr. 526 à Theodorico Rege Italiæ Arriano, Constantinopolim ad Justinum Imp. ire compulsius cum eo inter alia mandato: ut Imperatorem per moveret ad reddendas Arrianis Ecclesias in partibus Orientis, id nisi faceret, se totam Italiam gladio perditurum: impius mandatis non solum non paruit, verum etiam suffragante sibi Justino pietissimo Imperatore, quascunque illis in partibus Arrianorum Ecclesias reperire potuit, Catholicas consecravit. Ita ipse testatur in Epist. ad Episcopos Italiæ, qua, post redditum in carcerem à Theodorico conjectus, eosdem hortatus est, ne periculi aut necessitatis causa tyranno cederent. Et quanquam, ait, predictus Theodosius Rex, eorum (Arrianorum) peste tactus intrinsecus, nos & omnem regionem nostram perdere, & gladio & igne consumere minetur: nolite tamen propterea desicere, sed viriliter in agro

Domi-



Dominico elaborare studete. Et iuxta veritatis vocem: Nolite timere eos, qui occidunt corpus, &c. Quae verba in Pacis, quam hodie desiderant Protestantes, condemnationem, paulo post gloriosus Martyr suo sanguine obsignavit. Ut ruborem inde mutuentur, qui adversus autoritatem & rationem frontem perfricuerunt. Sed de S. Joanne prolix Baronius An. Chr. 525. & 523.

Paulus III Carolum V graviter reprehendit ob eosdem fere articulos, qui postea Paci Religionis inserti sunt, ad tempus haereticis concessos in Comitiis Spirensibus An. Chr. 1544. Qui idem jam ante, cum ex sententia Statuum in Comitiis Ratisbonensibus An. Chr. 1541, quorundam articulorum ab Ecclesia dissentientium, quoad per Oecumenicum Concilium declararentur, tolerantia ab eo peteretur, id facere recusavit: *quod neque Christiana & Catholica veritas, neque sua & Apostolica Sedis dignitas id permetterent, ut ait in Bulla inductionis Concilii Tridentini.*

Paulus IV edita Bulla Paci Religionis (quæ ipso 23. Maij, An. 1555 ad Pontificatum evectum, quatuor post mensibus 25. Septembris, Augustæ in Comitiis conclusa fuit) contradixisse postea fertur. Nam ipsis Comitiis Legatus Apostolicus non interfuit. Cardinalis enim Moronus ad ea missus, audira morte Julii III qui 23. Martii decesserat, mox in Urbem ad novi Pontificis electionem rediit; comite Ottone Cardinale Truchsessio & Episcopo Augustano. Sed ante eorum adventum 9 Aprilis electus est Marcellus II ipsoque Pontificatus initio 1 Maij vita functus. Quæ duorum Pontificum mors, & tertii electio recens peracta, causa fuit, quo minus Legatus Apostolicus ad Comitia denuo mitteretur, & nomine Sedis Apostolicæ Paci Religionis se opponeret.

Etsi vero Pauli IV Bullam, seu litteras ad Carolum V, nobis videre non contigit: ejus tamen de Pace Religionis sententia ex epistola Antonii Possevini ad Regem Poloniæ, quæ habetur in fine operum ipsius, manifesta est. Possevinus enim Registe-

Q²

phano,

phano, ne hæreticis Poloniæ libertatem hæresis Paci Religionis similem concederet, non aliis argumentis persuasit, quam quæ Cardinalem Hosium, à Paulo IV de memorata Pace interrogatum, protulisse testatur. Præcipue notanda sunt ea verba: *Non ignorat Sanctitas Vesta, quod N. agnoverit, quam absurdum, quamque multa impia, decretum hoc in se contineret, quodque multum restitans, multis prius profusis lacrymis invitus subscripsit.* Et paulo infra: *Certe concedere, qualia fuerunt in illis Comitiis postulata, nihil aliud fuit, quam Christum negare, &c.* Etsi vero Possevinus, neque Cæsaris FER DINANDI nomen, neque Pacem Religionis exprimat, evidens tamen est, ex tempore Pontificatus Pauli IV & mentione rerum Germanicarum; & quod ea libertas Confessioni Augustanæ in solo Imperio receptæ concessa dicitur; quod denique articuli ab Hoso producti, in Pace Religionis reperiantur; eam ipsam ejusque autorem FERDINANDUM condemnari.

Pius V anno Chr. 1566 Cardinalem Joannem Franciscum Commendonum Augustam ad Comitia alegavit, pauloque post per litteras eidem mandavit, ut si quæ adversus Concilium Tridentinum decreta fierent, eaque Cardinalis impedire non posset, nomine Sedis Apostolicae protestationem interponeret. Quod his præcipue verbis fecit: *Itaque ut munera mei partes hac in re prestem, ac ut ejusdem S. D. N. iussa hac in parte exequar: post quam S.C.M. MAXIMILIANVM II Pralatos ac Principes Catholicos non modo semel, sed bius & pluries, ob D. N. IESU Christi viscera obtestatus sum, requisiui, & admonui, ne permittant ac consentiant de veniri ad hanc tacitam vel expressam confirmationem Recessus Anni 1555 (quatenus continet Pacem Religionis) ob quam aliqua ratione, vel modo minima etiam in parte, Concilii Tridentini decretis, presertim in ejus dogmatibus, præjudicari possit. Et cum mihi facultas non detur, hoc Officium præstare publice in eorum Congregationibus & Conciliis, ob interventionem nonnullorum Principum, qui Religioni nostræ aduersantur, & ad evitanda scandala, quæ oriri possunt; coram Notario & Testibus.*

bus protestor nomine S. Sedis Apostolicae, ac S. D. N. me nedum hisc eorum Ordinationibus & Statutis non consenſisse, & conſenſire, verum etiam expreſſe contradixiſſe & contradicere. Prout & nunc contradico ad perpetuam rei memoriam. Ne vero quis de hac protestatione ambigat, novetit ejus exemplum authenti-
cū in Archivio Episcopatus Augustani aſſervari, unde hæc exſcripsiſſus.

Urbanus IIIX, datis literis, quas Nuntius Apostolicus Anno 1631 Francofurti Legato Cæſaris exhibuit; neque Cæſarem, neq;
alios Status, aut Episcopos, potestatem habere, de Ecclesia bonis
aut juribus quidquam hostibus Ecclesia in ejus præjudicium per
paſta tradendi aut permittendi, aperte significavit. In eandem
ſententiam respondit Romæ Anno 1634 Legato Electori Mo-
guntini: nimirum Catholicos non posſe cum haereticis de bo-
nis Ecclesiæ & Religione pacisci, imo nec Papam posſe dare
consensum, aut potestatem. (NB. Ejusdem Pontificis nomine
adversus Amnistiam nuper Ratiſbonæ conclusam protestatio-
nem Cæſari obtulit ILLUSTRISSIMUS ac REVERENDISSIMUS Domi-
nus, Dominus Gaspar Archi Episcopus Athenarum, ad S. C. M.
cum potestate Legati de Latere Nuntius, in hæc verba.

Cum in praesentibus Imperialibus Comitiis, de mandato V.
C. M. in hac Ratubonensi Civitate convocatis, conclusum fue-
rit super Amnistia infrascripti seu alterius tenoris, &c. ac di-
verſa fuerint ab Haereticis producta ir Directoris, ut vocant,
gravamina; cum hec ſint contra SS. Patrum Decreta, Concilia
Oecomenica Generalia & Constitutiones Summorum Pontificum.
Ideo Ego Gaspar Archiepiscopus Athenarum S. D. N. Urbani
Pape IIIX ac S. Sedis Apostolice Nuntius, Sanctitatis Sua ac S.
Sedis nomine, ſicuti ſui Pastoraliſ Officii ſollicitudo poſtulat, C. M.
V. ut Catholicum Principem, & Ecclesia Catholice Romane Ad-
vocatum ac Defenſotem rogo, requiro & hortor: ut Majorum
ſuorum veſtigiū inhaereat, & ut pietatem M. V. decet, incolumi-
tatem & integritatem, & Religionis Catholicae, & Ecclesiastico-
rum ac priorum locorum, Personarumque Ecclesiasticarum in-

demnitatem tueatur: neque permittat, aut consentiat secus quid. Altas omni meliori modo ejusdem S. D. N. ac Sedis Apostolica nomine repugno & resisto; meque semper repugnare & resistere velle profiteor; prout certus sum, quod idem S. D. N. ac ipsa Sedes Apostolica repugnabit & resistet. Datum Ratisbonæ 18. Aprilis Anno 1641.

Sane quo animi sensu Sua Sanctitas acceperit id, quod Deputati Francofurti 22 Augusti 1643. anni super Bonis Ecclesiæ Protestantibus tradendis statuerunt, & S. Cæsareæ Majestati approbandum obtulerunt, patet ex Brevi Apostolico ad Reverendissimum & Illustrissimum Dominum Episcopum Augustanum ex Urbe 17. Oct. Dato in hæc verba. VRBANVS PP. VIII, *Propositi am Francofurti de Ecclesiasticis Bonis Hæreticorum potestati committendis sententiam, ex Fraternitate Tua litteris, tum etiam ex supplici libello ad Nos transmiso, non sine ingenti molestia audivimus. Nempe facile est concicere quænam inde animalium pernicies, & sacri cultus imminutio expectanda esset.* Et tamen Imperator Electus pietate pollet, eam erga Ecclesiasticos gerit propensionem, ut minime verendum arbitremur, ne improbum illud consilium constanter simul & religiose rejiciat. Nos quidem ut Pontificii munera partes impleamus, cuncta, quæ è re fore significasti, officia accurate adhibuiimus, Deumque precamur, ut optatus exitus gravissimo negotio haudquam desit. Interim qua pars laude prosequimur insignem Zelum Fraternitatis Tuae: cui iugem à Divina Clementia felicitatem perimus, & Apostolicam benedictionem ex animo impertimus. Datum Roma die 17. Octobris. 1643.

Adversus tot Pontifices Pacem talem, qualem desiderant Protestantes, seu suadere seu probare, est viam sibi aliisque ad supremam in Ecclesia autoritatem enervandam aperire. Perfecto ambigua foret Dei erga Ecclesiam providentia, si Christi Vicarium in tantis Religionis Catholicæ necessitatibus decipi pateretur in ea Pace repudianda, quam Theologi & politici
hujus

hujus seculi salva conscientia non solum iniri posse, sed etiam illicite recusari, pronuntiant.

§. III.

Cæsares & Principes Statusque Catholicæ.

Honorius Imp. Attal. Tyranno Africam tentaturo Religio-
nis libertatem rescripto Donatistis concesserat. Id cum teste
Baronio A.C. 410 in magnum Religionis Christianæ dispendium
redundaret, rogantibus Episcopis rescidit, postridie ejus diei,
quo Roma capta est ab Alarico, ut constat ex l. 51 Cod. Theo-
dos. de hæreticis. Paulo post missio Marcellino Tribuno, eos-
dem Donatistas ad Collationem illam celeberrimam cum Ca-
tholicis adegit. Præclare vero expendit Orosius l. 7. c. 24. Ho-
norium, quod licet undique bellis obrutus, & à multis Tyran-
nis oppressus, à Religionis Catholicæ adversus hæreticos tuen-
dæ studio se non passus sit absterrerri, mirifica à Deo beneficia
consecutum. Apparuit sane, quam verissimum atque certissi-
mum sit, tunc Deum curare ac tueri Principum regna, cum ipsi
Principes pro Religione laborant. Contra vero cum id negli-
gitur, vel humana prudentia, (quæ ex Apostoli sententia Deo
inimica est) in religionem peccatur, ipsa Imperia in deterius
prælabi, penitusque consumi, ait Baronius Anno Chr. 411. n. 38.

Sigismundus Imp. cum post multas clades ab Hussitis acce-
ptas, nec inducias quidem ab iis impetrare posset, nisi Religio-
nis libertatem, & utriusque specie iusum indulgeret, Ecclesia-
sticos præterea bonis externis ablatis ad vitam scilicet Aposto-
licam redigeret, &c. nihil horum concessit, in summa licet
difficultate constitutus. Nihilominus, Deo constantiam remu-
nerante, inquis postulatis maturioris liberationis spe elusis,
in Vrbem Pragensem receptus, & Rex Bohemiæ coronatus est,
referente Ezovio 10. 15. An. Chr. 140. n. 9. Utinam sicut Pro-
testantes, Pacis, quam desiderant, ideam ab Hussitis cum mul-
tis erroribus acceperunt; ita Sigismundi successores, negandæ
ejusmodi Pacis exemplum ab eodem sumerent!

Caro-